

專件 照錄粵路總辦致鄭陶齋函

四〇

## 照錄粵路總理致鄭陶齋函

陶齋先生大鑒連日迭奉 面教詳詢粵路近狀并承 函取月結等件已飭陸續抄送值 高軒之戾止喜就正之有由方深欣幸乃日間報章備載上海股東致函上海總商會攻揭賡祥各款在股東血本攸關一有傳聞卽生疑慮固在情理之中但所指各條均與事實不符我公關心路政一再調查用特據實臚陳以備稽考尙希 垂覽示教專泐敬啓

台安

歐賡祥敬啓

一原函內稱去年六月中官定價格以五折現金收回紙幣該總理於此時擅以公司存紙五十餘萬元四二折賣出侵吞至四萬餘元

查賡祥去年五月二十三日接任所存東紙四十四萬元是時廣紙僅三四折不等六月初漲至四成零而當日公司需用極急除變廣紙外亦無法可想董事諸君屢言宜乘價漲沽出復於六月五日由董事局正式來函囑將所存東紙飭收支處轉易銀毫以濟要需等語賡祥當卽覆函照辦其非專擅可知於六月六日飭收支處按當日時價四成五二零售與交通銀行董事局有案可稽交通銀行有賬可查當日時價各銀行銀號均有行市可考何從侵吞是時官定五成價格尙未揭曉交通銀行豈肯照五成折價收買其理甚明

一原函內稱詹前總理擬將該公司寶華坊大屋變賣未經賣出先行出賃該總理盡逐客房占住全屋招集紈袴番攤麻雀一擲萬金藉賭資緣負鉅資以博優差

查賡祥隻身回粵寄寓戚家嗣因眷屬南回於三年六月八日致函董事局擬租寓寶華坊舊公司東偏一座旋接董事局覆函內稱舊公司遷出後擬待價而沽僅將議事堂一座租出其餘尙屬閒置殊爲可惜貴總理既欲借作寓所實屬一舉兩益等語賡祥於七月底始遷入居住并致函董事局請酌擬租銀見示旋接董事局函開舊公司房屋自公司遷出除原日議事臺一所租與增智公司外其餘無人承租迭次招投亦無人過問幾同廢棄貴總理借賃該屋迤東一座免致日久荒廢實屬一舉兩得且佔地無多區區租值自應毋庸置議等語賡祥復函致董事局仍請議定租值以杜物議旋准董事局議定納租每月三十元當即覆函遵照繳納以上情形董事局案卷具在是否盡逐房客有無佔住全屋繹閱各函似可瞭然至招集統絳究爲何人負責博差又爲何人未經指明無從質證

一原函內稱該路工程處當路棍最腐敗時月支十六萬元該總理到差後竟加至十八萬餘元總工程師以下因該總理浮支中飽亦要挾加薪添員該總理畏其舉發陰私無不惟命是聽曠時誤工概置不問該總理不惜虛擲股東金錢以媚工程處而協理董事亦事事放棄不惜屈己以媚該總理

查賡祥到差之始察知經濟困難必以增加收入爲主增加收入必俟車到韶關以後因督促工程師迅將山峒築成至四年五月始竣功通韶又值水災趕速修理工程用項不無稍增實非無因然亦無月支十六萬至十八萬元之多公司月結自可查考至工程支用各欸向由該段工程師開列憑單送總工程師簽字請發總理斷無從浮支中飽至加薪一層詹前總理曾

專件 照錄粵路總辦致鄭陶齋函

四二

訂專章工程員司按期加薪歷辦有案三年六月間該總工程師開單請照章加薪賡祥以財政支絀並未批准至十月間該總工程師司再行籲請始允酌加四員是工程師遵章請加尙非要挾賡祥展期批准是否虛擲金錢以媚工程師處自可概見旋於四年七月間裁工程師及工程學生二十餘員又荐在疏河處供差者十餘員月省薪金二千餘元謂爲加薪添員不知果何所指至謂協理董事屈己以媚總理一節賡祥接事以來凡有公牘無不俟協理簽押方行繕發間有協理不同意未簽押者卽行取銷是否獨斷獨行檢查文案處卷宗當可釋然至董事爲立法機關總理任行政職務所處不同何必交相爲媚若謂和衷共濟卽蒙相媚之譏然則意見參商互相詬厲始爲不媚乎

一原函內稱喉其私黨捏稱光裕堂名義冒認全交三期五百萬股登諸叢報顛倒是非又聳動已交三期之股東稱須俟三期交股暢旺時乃能派息

查股東來函或主張應交三期股或主張拼股事關重要均曾登報以待股東研究原函具在確非捏稱公司建築未完財政窘迫已極三四兩年尙須籌還香港贖路磅欸共約一百二十萬元無米難炊非望三期股交足何從應付停止派息係董事局議決亦因周轉不敷豈得謂由於聳動乎

一原函內稱該總理膽大妄爲動稱我是部派不知甚麼商辦凡所設施輒稱部意不容股東置喙

查所稱各節未指出何人耳聞有無憑證自係傳聞無據之言惟公司遇有重大事件均由董

事局議決然後執行董事爲股東代表是否不容置喙訪之董事局當可證明一原函內稱與外商借款二百萬元加五扣年息六厘以三千餘萬元之全路作抵以爲未足復允廣九接軌祇顧個人私利不惜以全粵路權授之外人

查四年九月間因清還香港贖路磅款期迫滙豐銀行允借一百萬元或二百萬元九五扣週息六厘以車利作抵經董事局以前任總理曾向滙豐借款悉照原訂合同尙無流弊議決商借嗣因滙豐提議卽行與廣九接軌賡祥以議定後忽加條件不允所請復經英國總領事及英使館參贊再三到公司面商賡祥以董事局議定俟全路通車始商接軌不能遽翻成案婉詞答復並無承允借款之議亦遂取消原函與事實適成反比例迨亦過信傳譌之詞耳至粵路收三期股銀東紙居多統計實收一二期股銀約二千四百餘萬元之譜除陸續歸還贖路金磅及金元小票約支銀五百七八十萬元外實築成鐵路計四百零八里五一原函所謂糜費三千萬成路僅三百里亦非實情合併陳明

以上各節均載在卷宗確鑿有據我公爲粵路上海大股東且曾任創辦總理如蒙 惠臨敝公司檢閱一切冀釋股東之疑不勝幸甚